

tam sibi quam aliis faciendus non sine castigacione sed sine ira tol-
lantur e cetu¹⁵⁹ mortalium facturi peiora que contingunt et quo uno¹⁶⁰
modo possunt desinant esse mali sed hoc sine odio. Quid est enim cur
oderim¹⁶¹ eum cui tunc maxime prosum cum illum sibi eripio. Nam quis
membra sua oderit cum abscidit ? Non est illa ira sed miserie curacio.¹⁶²

[IV m 4]

QUID TANTOS metrum quartum commixtum ex faleucio, de quo habitum
est supra libro primo metro quarto, et elegiaco¹ de quo dictum est
supra libro primo metro primo. In hoc autem metro exclamat Philosophia
super homines qui bellicis motibus ex odio se invicem ad mortem impetunt
dicens QUID IUVAT id est que utilitas est EXCITARE TANTOS MOTUS scilicet
odii sicut appareat in bellis et aliis mutuis persecucionibus (2) ET² id
est quid iuvat SOLlicitare id est sollicitate exquirere FATUM id est fatali
dispositionem siue mortem aliorum hominum: quasi diceret nulla utilitas
est in hoc et racio est quia (3) SI MORTEM PETITIS id est desideratis
siue vestram siue aliorum PROPINQUAT IPSA (4) SPONTE SUA nullo³ alio
accelerante NEC REMORATUR id est retardat VOLUCRES id est velocias EQUOS
isti equi dicuntur parciales disposiciones periodi per quas homo ad
mortem tendit. Nec tantum mirandum est quod homines appetunt mortem
aliorum cum ipsa per se appropinque^t sed eciam magis mirandum quod ipsi
homines (5) QUOS LEO SERPENS TIGRIS URSUS APER DENTE PETUNT scilicet ad

159 e cetu OD ē cetu J cetu R et est Pe etenim GP / 160 quo uno JGPe
que uno PO quonam RD / 161 oderim JOD adernit(?)R oditur PPeG /
162 miserie curacio D miseracio yel miserie curacio R misera curacio PPeGJ
1 elegeato J / 2 et RPO om. J / 3 vero J /

mortem Tamen IDEM scilicet homines PETUNT SE ENSE ut se mutuo interficiant. Quia non invenitur causa huius rationalis et quia posset aliquis dicere quod hoc racionabiliter convenit propter dissonanciam in quantum quidam sunt boni quidam mali, hoc excludit dicens (7) AN MOVENT INIUSTAS ACIES cuiusmodi sunt que solum exira vel odio producuntur ET FERA BELLA scilicet que solum penam et⁴ vindictam querunt (9) VOLUNTQUE PERIRE ALTERNIS TELIS, QUIA MORES DISTANT DISSIDENTQUE ? quasi diceret non est hec causa sufficiens. Unde subdit (10) NON EST IUSTA SATIS RACIO SEVICIE et quia⁵ posset aliquis querere quid ergo faciendum est in tanta morum dissonancia subiungit dicens (11) VIS REDDERE VICEM id est vicisitudinem APTAM MERITIS ? scilicet cuiuslibet tam boni quam mali (12) DILIGE IURE BONOS ET MISERESCE MALIS. Nota quod per hoc quod dicit hic Philosophia non excluditur licencia gerendi bellum iustum. Unde⁶ signanter reprobando bella dixit supra (8) INIUSTAS ACIES. Gerere enim bellum iustum⁶ non excludit misericordiam. Ideo enim bellum huiusmodi geritur ut venientem contra iusticiam ad iusticiam reducat. Misericordia autem iusticiam non excludit sed salvat. Unde dicit beatus Augustinus de civitate Dei libro nono capitulo quinto loquens de misericordia: servit autem motus ille racioni quando ita prebetur misericordia ut iusticia conservetur.

4 et JORD ad PPeG / 5 et quia RPO quia J / 6 unde signanter . . .
 gerere enim bellum iustum RPO om. J /